

GESU', GESU'!

E trasette a mano a mano
dint' 'a vita d' 'e persone,
ncopp' 'a paglia, chiano chiano,
.....e fu 'na rivoluzione.

Llà nascette int' 'a 'na grotta,
ma facette arrevuta'
tutto 'o munno, appriesso 'a rotta
d' 'a cometa, p' 'o truva';

e c' 'o cielo chino 'e stelle
pe' guida' tutte 'e criature,
'nsieme a tutte 'e pecorelle,
arrivarono 'e pasture.

Quann' se facette gruosso
jeva in giro a prerreca'
e 'o popolo commosso
n' 'a ferneva 'e suspira':

“Chisto, sì, ch' è Dio 'nterra,
che ce porta 'a Verità,
niente odio, niente guerra,
sulo Ammore e Carità”.

E purtaje chesta novella:
“nuje nascimm' tutti eguali,
dint' a nuje ce sta 'a scintilla
che ce fa resta' immortali”.

Ma chi allucca sti parole
nun po' fa 'na bona fine,
pecchè tanno* era normale
'e fa' 'a guerra c' 'o vicino

e parlà 'e fratellanza,
'o d' 'a pace o d' 'o perdono,
era contro a ogni usanza,
dint' 'o coro, uno che stona.

*tanno = allora, a quell'epoca

Ma chi dice 'a Verità
n' adda mai tene' appaura,
ce vo' ... personalità
pe' fa' l'ommo 'e statura.

E Isso era 'o figlio 'e Dio
e sapeva già 'o destino:
“Ncopp' 'a croce moro io, (parla Cristo)
senza manco 'nu cuscino.

Ncopp' 'a croce, 'e ladri attuorno,
e chi m'ha voluto bene,
me tradisce, senza scuorno,
si 'o coraggio nun 'o tene;

pecchè l'ommo accusi è fatto,
egoista pe' natura,
cerca sempe 'nu riscatto
doppo 'na brutta figura.

Ma, in fondo, 'o voglio bene
pecchè è sempe 'o figlio mio
e isso 'o sape ch'appartene
a uno munno e a uno Dio.

Isso 'o sape che l'Inferno
pò veni' senza condono,
ma se invoca 'o Pateterno
sape, pure, ch' 'o perdono;

sape che Dio è clemente,
nun se scorda d' 'o peccato,
ma si l'anima è innocente
vene tutto cancellato:

basta sulo 'a convinzione
che nuje simm' frate e sore
e che resta una lezione:
vale sulo 'a Pace e Ammore”.

Cecco Gambizzato, Natale 2004